

جریدہ علیہ

مسنخت جلید اسلامیک جریده رسمیه سید

رمضان ، شوال سنه ۱۳۴۰

عدد ۷۵،۷۴

شمذیلک آیدہ بر نشر اولنور

برنجی سنه

دین اسلامده میلاد عیسی علیه الصلاة والسلام مسئلهسی

سوره آل عمرانده (هو الذی انزل علیک الکتاب منه آیات محکمات هن ام الکتاب و اخر متشابهاً فاما الذین فی قلوبهم زیغ فیتبعون ما تشابه منه ابتغاء الفتنة و ابتغاء تأویلہ) نظم جلیلنده محکماتی بر اقوب متشابهاً اتباع ایدنلرک حالی بو اتباعده کیمی عن علم فتنه کیمی عن جهل تأویل ارادینی بیانیه ذم بیوریلور . قرآن عظیم الشانده محکماتی بر اقوب متشابهاً اتباع ایدنلر مذموم اولور ایسه عن علم و یاعن جهل محکماتی تأویل تصدی ایدنلرک دلالت نص ایله ده زیاده مذموم اوله جفی آشکاردر .

آیت کریمه ده بیان بیوریلان (ابتغاء فتنه نك) معانده (ابتغاء تأویلك) ده جاهله مناسب اوله جفی مفسر بیضاوی حضرتلری تصریح ایتشدرد .

(واذا ضلت العقول على علم فماذا تقوله النصحاء)

(رب ان الهدى هداك وآيا نك نور تهدي بها من تشاء)

حضرت مریمه مس بشر واقع اولمقسزین مشارالیهانك رأساً خلق الهی ایله ولد صاحبی اولدینغی ناطق اولان محکمات قرآنیه : - ۱ -

سوره عمرانده (اذ قالت الملائكة يا مريم ان الله يبشرك الخ) قول جلیلندن - اذله قضی امرا الخ . - نك نهایتنه قدر اولان آیات جلیله نك تركه سی :

ملائكة مریمه دیدیلرک : آی مریم الله سکا کندیسندن اولان برکله ایله مژده ایدر . و او کله نك اسمعی مسیح عیسی بن مریم در . مریم دیدی که : یارب بکا بشر مس . ایتمکسزین بنم ناصل و لدم اولور ! ملک دیدی که : ایش سنک دیدیکک کیدر . ربك تعالی دیدی که : او ایش بکا کوره قولایدرد . یاخود ربك او یله دیدی که : او ایش بکا کوره قولایدرد . ایشته شو آیت کریمه ده ملک حضرت مریمه (بابایه دگل ؛ آنا یه منسوب عیسی بن مریم آدی بر ولد و یر یله جکفی تبشیر ایتمش حضرت مریم شکل تبشیردن و یر یله جک اولان و لدک باباسز اوله جفی آکلادیغندن کندیسنه بشر تماس ایتماش اولدینی حالده فصل اوغلی اوله جفی افاده ایله استبعادینی اظهار ایتمش . ملک جوابنده بشر تماس ایتمکسزین کندیسنه ولد و یر یله جکفی و بویله تماس بشر واقع اولمقسزین خلق ولد جناب حقه قولای بولدیغی . افاده ایتشدرد .

آرتقی بودرجه ایضاح و تصریحدن صکره آیت کریمه ده (عیسانك باباسی یوقدر . یاخود

عیسا باباسزدر) لفعلیه بر جمله یه لزوم قالمشدر مع هذا مسئله عیسانك شخصنه عاڤد برشی دکلدر . طوغریدن طوغری یه مریمه عاڤد ووالده سی امرأة عمرانك آکا حامل اوئسنندن بری مریمك نظرگاه الهی وقرآن عظیم الشانده حکایه بیوریلان اصطفای ربانی یه مظهر اولدیغنه وبونك نتیجه سی اولمق اوزره آکا اکرما کندیسنده اظهاری اراده بیوریلان آیت الهیه یی اخبار ایله عیسانك تولدنندن اول تماس بشر اولقسزین مریمك صاحبه ولد اوله جغنی و مریمه بر نشانه شرف اولمق اوزره ولدك هیچ بر بابایه دکل آنجق کندیسنه اضافله یاد اوله جغنی تبشیره دائر و آکا خطابدر . بو آیت آکلامق ایچون یالکیز آنی او قومق کافی دکلدر . بو آیتی آندن اول اولان (واذقالت الملائكة یا مریم ان الله اصطفیک وطهرک واصطفیک علی نساء العالمین یا مریم ایتی لر بک واسجدی وارکھی مع الراکعین ذلک) آیت کریمه سیله برابر دهها طوغروسی (ان الله اصطفی آدم ونوحاً وآل ابراهیم وآل عمران علی العالمین ذریة بعضها من بعض والله سمیع علیم) آیت کریمه سنندن اعتباراً مباحوث عنه اولان آیت کریمه یه قدر ایکی صحیفه لك آیات کریمه یی تماماً اوقویوب معاینه سی لایق یله تفهم ایتلیدر که مباحوث عنه اولان آیت کریمه ده مریمك تماس بشر اولقسزین مسیح ابن مریم آدلی بر ولد صاحبه سی اوله جغنی حقنده کی تبشیر ملائکه و مریمك بونی استبعادینه مقابل تماس بشر اولقسزین خلق ولدك قدرت الهیه کوره قولای بر شی اولدیغنی حقنده کی جواب آکلاشیله بیلسون .

— ۲ —

(ان مثل عیسی عندالله کمثل آدم خلقه من تراب ثم قال له کن فیکون الحق من ربك فلا تکن من الممترین .)

ایشته بو آیت کریمه حضرت عیسانك بلاب اولدیغنی صراحتدن دهها بلیغ بر بیان اعجاز کارایله افاده ایتشددر . حضرت عیسانك حضرت آدمدن ماعدا انبیای سائرده موجود اولمیان بر غرابت شانی واردر که پدرسر دنیا یه کلسیدر . بو غرابت شانندن طولانی فصارا عیسانك ابن الله اولدیغنه قائل اولمشدر .

آیت کریمه ده (عیسا بو غرابت شانیه الهک عندنده آنجق آدمك بر نظیریدر . حق تعالی آدمی طوپراقدن انشا ایلدی صکرده آکا اول دیدی او دخی اولویوردی . حق بودر بونده شک ایدنلردن اوله) بیورلمشدر .

حضرت عیسا بلاب ایسه ده بوندن طولانی ابن الله اولمسی لازم کلمز . عیسا

پدرسز لکيله نه‌سایت حضرت آدمه نظیر اوله بیسایر . جالبوکه اونک دخی طور اقدن مخلوق الهی اولدیغنی بیان ایتدکن صکره حق بودر) تنبیهله حضرت پیغمبر عیسی حقنده بشقه درلو ملاحظه‌یه تبعاً شک ایدنلردن اولمقدن نهی بیوریلیور . آیت کریمه‌ده غریب اغریبله تمثیل و بناء علیه حجت بالغه ایراد بیوریلیور . بو آیت بعبارتها عیسانک آدمه قیاساً و اولویتله ، ولدالله اولدیغنک رد و ابطالنه ، باشارتها عیسانک بلالاب و آدم کی رأساً و ابتداء مخلوق الهی ، آدم کی رأساً کن کله سنک اثری اولدیغنه ، طوغریدن طوغری نه کلمه الله ایدوکنه و بو کیفیت یالکیز پدرمز لکده کی غرابتیه مقابل هم پدرمز لک هم مادرسز لک صورتیه اغریبی ایتان طریقله وینه اولویتله تقریر و اثباته دلالت ایتشدر . بو آیتک عقبنده کی (فمن حاجک فيه من بعد ما جئتک من العلم) آیتده‌ده حضرت عیسا حقنده بونک خلافتی ادعا ایله احتجاج و مباحثه‌یه تصدی ایده جملکری طرفین کنده قادیلریله چو جقیرنی طویلا یه رق بر لکده ملاعنه‌یه دعوت ایتسی حضرت رسول الله امر بیورلمش و رسول الله دخی علی ، فاطمه حسن حسین رضی الله عنهم حضراتی بربر آله‌رق ملاعنه‌یه چیقمش ایسه‌ده نصاریانلرنده بولنان عاقبک نصیحتنه مبنی ملاعنه‌یه اجتناسار ایده مامشدر . بناء علیه بو آیت کریمه موجبنجه حضرت عیسا آنجق آدمه نظیر اوله رق رأساً کن امریه خلق اولنش و بلالاب طوغمشدر . آدم کن امریه هم آناسز هم باباسز خلق اولنقله ابن الله اولامینجه یالکیز پدرسز اولان عیسا بالاولویه ابن الله دکدر و بو مسئله‌ده حق بودر . بونده شک و محاجه حرامدر . محاجه ایدن کیم اولورسه اولسون ملاعنه‌یه مدعودر . ولغت الهیه سز اوار اولان کاذبنددر .

بو آیت کریمه‌ده حضرت عیسانک آدمه تشبیهی بلالاب اولمسندن بشقه هیچ بوجه شبه حمل اولنه‌ماز . و مشارالیه بابالی اولدیغی حالده مجرد مخلوق الهی اولدیغندن طویلا یی آدمه تشبیه اولنشدر دینیه‌مز . آدمدن صکره نوح ، ابراهیم ، موسی ، داود و سلیمان ، زکریا ، یحیی ، صالح و محمد علیهم الصلاة والسلام دخی بابالی و مخلوق الهیدر لر . عیسانک بو انیادن برینه تشبیه اولنماسی ، ینلرنده وجه شبه بولنماسنددر . وجه شبه مع زیاده آنجق آدمه واردر .

سوره‌ مریم میلاد عیسی مسئله‌سی حقنده صراحت قطعیه‌ی ناطق متعدد آیات کریمه‌ی محتویدر .

(واذکر فی الکتاب مریم اذا تبذرت الخ) بو آیت کریمه‌لرک لفظی لفظنه معناسی .

شویله در. کتابده مریمی یاد ایت که مریم کندی عااله سندن بیت مقدسك یاخود خانه سنك
 شرق طرفنه چکیلدی وانلردن کیزلنک اوزره بر پرده چکدی . همان عقبنده بز آکا روحزی
 کوندردك . روح آکا تام الاعضا بر بشر شکنده تمثیل ایتدی . مریم ، آکا ، سن اللهین
 خوف ایدر بر کیمسه ایسهك بن سندن رحمانه صیغینیم ، دیدی . روح بن محضا ربك
 رسولیم سکا پاك بر اوغلان باغشلامق ایچون . دیدی . مریم بنم فصل اوغلم اولورکه :
 بنی بشر مس ایتدی بن فاحشه دخی دکم دیدی . روح دیدی که : ایش اوپله در ربك
 تعالی دیدی که او ایش بکا قولایدن یاخود ربك تعالی اوپله دیدی که او ایش بکا قولایدن
 و بز بونی ناسه برهان و طر فزردن رحمت قلمق ایچون یاییورز . بوایش آزلده قضا و قدر
 اولمش بر ایش اولدی . مریم همان عیسیایه حامل اولدی . و عیسانی قارننده طاشیه رق
 عااله سندن اوزاق برمگانه چکیلدی . عیسانك طوغمق ایچون اولان حرکتی مریمی خرما
 آغاجنك دالنه التجا ایتدیردی . و مریم بن کاشکه بو ایشیدن اول اولیدم و اونودولمش
 برشی اولسیدم دیدی . همان مریمك آلتدن عیسی کنیدیسنه ندا ایتدی که سن کدر ایتمه
 ربك سنك آلتده بر آقار صو خلق ایتدی و سن خرما آغاجنك دالنی صاللا اوزریکه تازه
 خرما دوکهر . و سن فرحناك اول اگر بشردن بر کیمسه کورور ایسهك بن (رحمانه)
 اوروج نذر ایتدم بو کون هیچ بر انسانه سوز سوبلییه حکم دی .
 عقبنده مریم عیسانی طاشیه رق قومنك نزدینه کلدی . آکا دیدیلرکه : ای مریم
 سن کورلمدك عجیب برشی پادك . ای هر ونك همشیره سی سنك باباك زانی آماك ده زانییه
 دکلدی ؟ .

مریم آنلره عیسانی کوستردی آنلر بز بشیکده کی چوجغه فصل سوز سوبلرزد دیدیلر
 عیسی ، بن اللهك قولیم بکا کتاب ویردی و بنی بیغمبر و نروده اولور ایسه م اوغورلی
 قیلدی و بن حیاتده اولدقچه بکا صلاوة و زکاتی اصهارلادی و بنی والدم حقنده حرمتکار
 و خیرلی بر اولاد قیلدی بنی جبار شقی قیلمدی و بن طوغدیغم کون و اولدیکم کون و دیری
 اوله رق بعث اولندیغم کون اوزریمه سلام واردر دیدی .

ایشته عیسی بن مریم بودر . اشتباه و نزاع ایتدیکه کیز خصوص ایچون حق سوز
 بودر . الله تعالی ولد ایدینك شانندن دکلدنر . الله آندن منزه دیر . الله بر ایشی اراده
 ایلدیکی زمان محضا اکا اولدیر اودخی اولیویریر .

ایشته سورة مریمه کی آیات کریمه نك اقوال مفسریندن هیچ بر حرف علاوه ایتمکسین .

لفظی لفظه ترجمه سی بودر . بونی تمامیه او قویان کیمسه آیات کریمه نك حضرت مریمك حلال، حرام صورتلرندن بریله هیچ برأركك تماس ایتمكسزین مجرد امر وخلق الهی ايله حضرت عیسیاه حامل و آنی بغیر اب طوغورمش اولدینی حقنده نص قاطع اولدیغنه حکم ایدر . فقط ترجمه یی تمامیه او قومق و جل سائر دینی بیر اقوب یالکیز برجه لسنی او قویه رق ساده آنك احتمالات خصوصیه سیله مشغول اولماق شرط اعظمدر . چونکه آیات کریمه ده ، جملهلر دن هر هانکی برنده کی احتمال غیر مرادی جل سائر دفع ایده رك مقصود واحدی ایضاح وه پسی بر برینی عین مقصده سوق ایدر . بالخاصه بو آیات کریمه میانسند حضرت مریمك جبریل ايله محاوره سنده مریمك بكا حلال ویا حرام صورتلرندن هیچ بریسیله مس بشر واقع اولدینی حالده بنم فصل او غلوم اولور . دیوب جبریلك ربك او ایش بكا کوره قولایدیر . دید کدنصره (فحمله) آتی حملك بالزوج اولدیغنی بسبتون مرتبه عیانه اخراج ایدیور . بونده کی (فا) حضرت مریمك مکالمه جبریلدن سوکره بلافاصله و خارجدن دیگر برشی حیلوت ایتمكسزین هان عیسیاه حامل اولدیغنه دلیل قاطعدر .

(فا) علم اصول ايله علم معانیده اثبات اولدیغنه کوره تعقیب و ترتیب افاده ایدر . تعقیب یعنی مابعدینك بلا مهلة ماقبلندن سوکره اولسنی استلزام ایدر . (ان دخلت هذه الدار فهذه) عبارده سیله یمین ایدن بر کیمسه خانه لردن برینه دخولی ترك ویا ایکنجیسی اولکیسی اوزرینه تقدیم ویا ایکنجیسی مهلتله اولکیسندن تأخیر ایدر ایسه حانت اولماز . (فاء) برعلته ترتیب ایدن حکم اوزرینه داخل اولور .

(فا) ده اصل اولان ده بودر . چونکه حکم، علت اوزرینه مترتبدر . بوکا مبنی در که حکم، علتك عقبنده اولور . (جاء الشتاء فأتاهب) کبی (بعت منك هذا العبد بكذا) دییان بر کیمسه یه جواباً (فهو حر) سوزی بیعی قبول عبدی ده اعتا قدر . زیرا محیب حریق عقیب ایجابده حرف فاء ايله برابر ذکر ایتمشدر . فا ایسه ترتیب افاده ایدر . حل بوکه قبول ثابت اولدجقه عتق ایجابه ترتیب ایتز . بناء علیه قبول بطریق الاقتضا ثابت اولمش اولور .

ایشته (فحمله) آیت کریمه سنده کی فاده تعقیب یعنی حملك بلا مهلة عقیب مکالمه ده هان وقوعی و بر معلولك علت اوزرینه ترتیب ایتسی معناسی واردر . علت امر الهی و نفخ جبریل ، معلول اولان حکم مترتب دخی مریمك عیسیاه حامل اولمسیدر . دیمك اولور . یو بایده کی آیات کریمه ده (فارسلنا) (فتمثل) (فحمله) (فاتبذت) جمله لرنده کی فالر یو ووقعه لرك بلا تراخی و آریه خارجدن هیچ برشی داخل اولمقسزین بربری عقبنجه هان

ورقوعه گلش اولدیغنه دلیلدیر. بناءً علیه (فحملته) دمکی فا حضرت مریمک مکالمه جبریل عقبنده یلا تراخی حامل اولدیغنه دلیل صریحدر (فا) نک یرنده (ثم) اولیدی حضرت مریمک مکالمه جبریلدن صوکره هر هانسی بر سبب خارجی ايله حامل اولدیغی احتمالی بولنوردی. مع هذا (ثم) دخی بولنسه یدی حضرت مریم ايله جبریلک مکالمه سنده کی قطعی دلالتهر بواحمالی دخی قطعه کافی در.

مقام استدلالده برلفظک معتبر اولان مفهومی یا موضوع لهک عینیدر یا جزئیدر. یلازمیدر. لازم دخی یاملزومدن متأخردر معلول کی یا متقدمدر. علت کی یا مقارندر. بر علت موجه نک ایکی معلولدن برینک دیکرینه نسبتی کی.

لازم متأخر اولور ایسه حکم مطلوبک حتی آکا متوقف اولماز. متوقف اولسه لازم متأخر اولماز، لازم متقدم ایسه برعکسدر که حکمک شرعاً و یا عقلاً صحیح یا خود حکمک صحت صدقی آکا متوقف اولور. (کوله کی بنم طرفدن بیک غروشه آزاد ایت) دییان برکیمسه طرفندن وقوع اعتناک شرعاً حتی ایچون (تملیک) (وسئل القرية) آیت کریمه سنده تعلق سؤالک عقلاً صحیح ایچون (اهل) (رفع عن ائمتی الخطأ والنسین) حدیث شریفده تعلق رفعک حتی یعنی واقعه مطابقی ایچون (حکم) لازم متقدمدر.

اولکیسی بالاتفاق مقتضادر. ایکنجی و اوچنجیسی ده جمهور متقدمین عندنده مقتضادر. بعض متأخرین ایسه محذوف و مضمحل نامی ویرمشدیر. بوکا مبتنیدر که ابوالیسردن غیر یسی بونلرک عمومیه قائل اولمشدر.

لازم متقدمه بعض الفاظ مفرد نک معنایینه اطلاقک حتی ده توقف ایدر فقیرک غنی به اطلاقیک حتی ایچون زوال ملک کی.

حکمک لازم متأخری بعضاً اول حکمک مناطی واسطه سیله دکدر که بوکا ذاتی دنیلور. بعضاً مناط واسطه سیله اولور که؛ مناط بعضاً لغة معلوم اولوب فهمی برکونا مقدمه شرعییه توقف ایتمز: یا خود لغة معلوم اولمزده فهمی، شرعی بر مقدمه به توقف ایدر. ایسته شو قواعد اصولیه دن لازم متقدم قاعده سنی (فحملته) آیت کریمه سی حقیقه قطعی ایده جکیز. حلالک صحت وقوعی ایچون (فحملته) دن اول ففخنا یا خود ففخ) محذوفدر. بناءً علیه بوراده ففخ و یا خود ففخنا جمله سی قاعده اصولیه نک استلزام ایتدیکی بر لازم متقدمدر. بزبونی کلام مفسریندن آمایز. ذات آیتدن استنباط ایده رز. خصوصیه ففخ جمله سی سورة انبیا ايله سورة تحریمده (التي احصت فرجهما

ففتحنا) آیت کریمه لایله ده معلومدر . (فحملته) دن اول لازم متقدم اوله رق (ففتح) مقدر بولندیغی اعتبارینه کوره دخی (فحملته) ده کی (فا) سابقاً بیان ایتدیکمز کی هم تعقیب هم حکم علت اوزرینه دخول معناسی افاده ایدر .

بناءً علیه آیات کریمه بوضوئیه مطالعه ایدلیدی تقدیرده مجموع آیات حضرت مریمک حضرت عیسانی بلاب طوغورمش اولدیغی مقصودی اوزرینه متوارد اولدیغنه و بونلرک بومقصودی ناطق نص قاطع ماهیتده اولدقلرینه حکم اتمه مک امکان خلاصه در .

فقط اعتدالی محافظه و برطرفه فرط میل سببیه (حق کورمک ایچون الزم اولان) بصیرتی قاجیر مامق شرطیه . مثلاً : سوره آل عمرانده حضرت زکریا علیه السلام کنیدیسته ذریت احسان اولنمی حتمده کی دعاسی اوزرینه یحیا اسمنده بر ولد ایله تبشیر اولدیغی وزکریا شیخو ختیه برابر زوج سنک قیصرانغی اوکه سوره رک کنیدیسندن حصول ولدی استبعاد ایدلیدی افاده ایلمی اوزرینه (ایش اولددر . الله تعالی دیلدیکنی ایشلر) و سوره مریمده (ایش اولددر ربک دیدی که او ایش بکا قولایدر . و بن سنی خلق ایتدم که سن هیچ برشی . دکل ایدک الخ) بیورلمشدر . حضرت یحیا علیه السلام صورت حصولی عقبندده عین صورته حضرت مریمک حمل و وضع حمل حکایه و بونلر قدرت و اکرام الهینک بررأثری ، آتی اولمق اوزره بیان بیورلمشدر .

زوج سنک قیصرلغنه رغماً زکریادن یحیانک حصولی عادة ممکن اولسیدی . مشارالیهک اوان شبانده اولوردی ، بالعکس ممکن اوله مامشدر که آخر عمرنده خلفه مالک اوله مدیغنه بیان تأثر ایدیوردی . زکریانک عاقر اولان زوج سنده بعدالکبر یحیانک حصولی و مریمک حضرت عیسیاه حملی علی خلاف العاده اولسیدی بواکی وقعه بربریغی متعاقب بواکی سوره ده آیات الهیه دن اولمق اوزره حکایه و تفصیل بیورلمزدی :

اکثر انبیانک ولادتده محیط طبیعیات ایچنده محصور برمسجون و بوجیطک قوانین و شئون و عاداته مغلوب و مفتون اولان غافلره طبیعیاتک فوقده قاهر و آلوده کیف مایشاء تصرفله خرق عوائد قادر اولان خالق تعالینک وجود و عظمت و قیومیتی و طبیعیاتک کافه سی آنک مخلوق و مصنوعی و بزبون قهر و تصرفی اولدیغی و قوانین و عادات طبیعیه نک هیچ بریمی آکا نسبتاً لایتغیر بر ماهیتی و اسبابک دخی حقیق بر تأثری جائز اولدیغی و بونک عکسنه اولان قاعتلرک ظنون باطله دن عبارت بولندیغی تعالیم ایله تنبیه و آنلری سچن طبیعیاتدن اطلاق ایله خالق کائنات اولان الله طوغری اعلا و توجیه حکمتی اظهار و اعلان ایدنه

بر نوع حجت الہیہ موجود اولوب بوسیدله قرآن عظیم الشانده حکایہ بیورلمشدر . [۱] ذکر یادن یحیی ، مریمدن عیسانک امرأۃ ابراهیمدن اسحق و یعقوب علیہم السلامک حصولی کی ، یحیی و عیسیٰ حقندہ کی آیات سابقا ذکر اولوندی اسحق و یعقوب علیہما السلام حقندہ کی آیت کریمہده شودر : فبشرناہا باسحق ومن وراء اسحق یعقوب قالت یا وایاتی والد وانا عجوز و هذا بعلی شیخا ان هذالتی عجیب قالوا العجیین من امرالله رحمۃ الله وبرکاته علیکم اهل البیت انه حمید مجید)

حضرت عیسانک بلالاب تولدینی استبعاد ایدنلر بو آیت کریمہ یی او قوسونلر و ملائکہ نك زوجۃ ابراهیم علیہ السلامه جواباً (العجیین من امرالله) فولی ایشیتسونلر .

سورۃ مریمده (روح ، بر بشر سوی شکلنه تمثل ایتدی و (مریمه بالادہ مذکور جملہ لرله) مکالمہ ایتدی و همان عقبندہ مریم عیسایہ حامل اولدی بیورلمشدر . مریمک بو مکالمہ میانندہ کی بکا (حلال ایله هیچ ارکک تماس ایتدی بنده زانیہ دگلم) سوزی دخی حضرت مریمک زوجی و بناء علیہ عیسانک پدری اولمدینی حقندہ بر نص قرخ قرآنیدر . چونکہ جبریل اکا مقابل اوت اوله ایکن یعنی سکا حرام و حلال صورتیه هیچ برارکک تماس ایتامش ایکن الله سکا عیسایی ویرمجددر . چونکہ بو ایش الله کوره قولایدر و بو ایش ذاتاً تقدیر و امر اولمش بر ایشدر بناء علیہ لاحاله اوله جقدر . دیمشدر عقبندہده هال مریم عیسایہ حامل اولمشدر بیورلمشدر .

سابقا ایضاح ایتدی کمز وجهله آیت کریمہده مریمک عقیب مکالمده و بلافاصله همان عیسایہ حامل اولدینی معناسی (فحملته) ده کی (ف) حرفک مدلولیدر . اگر آیتده ادات تراخی اولان (ثم) بولتمش اولسیدی مریمک اخیراً بر سبب خارجی ایله حامل اولمسو احتمالی وارد خاطر اولوردی (فا) حرفی ایسه اصلاً بوکا میدان ویرمه مشدر .

مع هذا آیتده (ثم) حرفی دخی اولیدی ینه سبب خارجی به امکان اولمز ایدی . زیرا بوکا حضرت مریمک بکا بشرمس ایتدی کی حالده چوجغم نصل اولور سوزینه مقابل جبریلک (او ایش اوله در و ربک او ایش بکا قولایدر دیدی الله هر هانکی برایشی اراده ایدر ایسه همان اوکا اول دیر اودخی اولور و بو ایش اوله جقدر) جوابی منافیدر .

[۱] اباح لك ان تنظر مافی المکونات وما اذن لك ان تقف مع ذوات المکونات قل انظروا ماذا فی السموات ففتح لك باب الافهام ولم يقل انظروا السموات لتلايدك على وجود الاجرام (الکائنات ثابتة باثباته محموة باحدية ذاته)

سؤال جوابده اعاده اولمش عد اولتور یعنی تصدیق اولنان بر سؤالده نه دینامش ایسه مجیب آنی سولمش حکمنده درکه فقهانک قواعد واسالیب لسانیه دن مأخوذ اولان دستورلر ننددر . بناء علیه مریمک بکا حلال ایله بشر مس ایتدیکی کبی بن ده زانیه اولمدیغ حالده چوجغم نصل اولور دیمسنه مقابل جبریلک اوت اولیله در دیمسی بیله سکا بشر مس ایتدن وزنا ایله دن الله سکا عیسایی ویره جکدر معناسی متضمندر . واکر بوبابده کی آیتک معناسی بویله اولمیدی جبریلک جوابنده معنا بولمزدی . چونکه مریم علی العاده برار ککه مقارنتله چوجوق طوغوره جق اولیدی نه مریمک استبعادنده نده آکامقابل جبریلک ربک او ایش بکا قولایدر دیدی والله بر ایشی اراده ایدر ایسه اوکا اول دیر اوده هان اولور دیرک تهویننده فائده بولمزدی . وحقی حمل مریمک بر اثر قدرت ودلیل تکریم الهی اولمق اوزره اوزون اوزادی به شرح وایضاحاتی احتوا ایدن بونجه آیاته لزوم قالمزدی . بونکله برابر مریمک حملی بر سبب خارجی ایله اولمش اولیدی قرآنده نهدن کتم اولتوب ذکر ایدلمسون ؟

قرآن کریم مادامکه قصه مریمی حقیقی وجهله ناطقدر مریمک حملی سبب خارجی ایله اولسیدی البته آنی ده صراحة سویلردی وسوره مریمده هیچ اولمز ایسه (فحملته) دن اول ویلخود صکره اوکا دائر برتک فقره قرآنیله بولوردی . مادامکه حمل مریم ومیلاد عیسی مسئله سنده هیچ بر مفسرک کلامی قبول اولمبور . مطلقا لفظ قرآندن استخراج معنی اولنسون دینلور . ایشته قرآن ، مریمه بشر تماس ایتدن حامل اولدیغی سویلورده (قالت انی یکون ولد لم یمسنی بشر ولم الک بغیا .) کندیسنه بشر تماس ایدرک حامل اولدیغی سویلور . قرآنده عیسانک بابالی اولدیغنه دائرده صراحت دکل دلالت بیله یوقدر . وقرآنده کرک مکالمه جبریلدن اول وکرک صکره مریمه تماس بشر واقع اولدیغنه دائرده صراحت یوقدر . بالعکس کندیسنه علی الاطلاق بشر طوقونمیدی حقنده متعدد نصوص صریحه موجوددر . (لم یمسنی بشر ولم الک بغیا) (والتی احصنت فرجها فنفخنا فیها من روحنا وجعلناها وابنه آیه للعالمین) (ومریم ابنة عمران التي احصنت فرجها فنفخنا فیها من روحنا)

بوحالده قرآن حضرت عیسانک باباسز اولدیغی ناطقدر دیمک اولور . چونکه کندیسنه بشر تماس ایتیمان ، زنا ایتیمان ، فرجی هر وجهله ارککدن صاقینان برقادین چوجوق طوغورور ایسه او چوجوق البته باباسز اولور . عادة بر قادینک بلا زوج طوغورمسی وچوججک باباسز اولمسی مستبعد اولدیغی قدر کندیسنه هیچ بر صورتله ارکک طوقونامش اولدیغی قطعاً معلوم اولان برقادینک زوجی بولمسی وچوججک باباسی اولمسی ده عقلاً مستبعددر .

فقط استبعاد عقلی استبعاد عادینک فوقنده در . عقلاً محال اولان بر شی عاده ممکن اوله ماز
فقط عاده محال اولان بر شی عقلاً ممکن اوله بیلور . معجزات انبیسا و کرامات اولیه
محالات عقلیه دکل محالات عادیه داخلدر قدرت الهیه هر وقت محالات عادیه تعلق
ایده بیلیر . فقط محالات عقلیه تعلق ایتمز . معجزات انبیایی تأویله تصدی ایدنلر و یا تصدیق
ایتمانلر ومثلاً حضرت عیسی نک بلاب طوغمسنی و مریمک بلایزوج طوغمسنی حوصه لرینه
صیغدره میانلر محالات عادیه ایله محالات عقلیه یی یکدیگرندن فرق ایتمانلردر . معجزات
انبیسا خارق العقول دکل خارق العاداتدر .

بلا زوج چوجق طوغمق یالکمز عاده کندیسنه قطعاً ارکک طوقونماش اولان
بر قادینک ذات الزوج اولسی ایسه عقلاً محالدر ، مریمه قطعاً ارکک تماس ایتماش اولدینی
(والی احصنت فرجها) نص قطعیسيله قطعاً معلومدر . بناء علیه مادام که قطعاً کندیسنه
ارکک طوقونماش اولان بر قادینک قطعاً زوجی یوقدر . وولدینک قطعاً باباسی یوقدر .
قطعاً کندیسنه ارکک طوقونماش اولان مریمکده قطعاً زوجی یوقدر . و مریمک اوغلی
اولان عیسانکده قطعاً باباسی یوقدر .

سورده حضرت مریم عیسایه حامل اولنجه عائله سندن اوزاق بر محله چکیلدی و خرما
اغاجنک آلتنده وضع حمل ایدرکن کاشکه بن بوندن اول اولدم ونسیاً منسیاً اولدم
دیدى و آلتندن عیسی و یاخود جبریل کندیسنه کدر ایتمه دیه ندا ایتدی) بیورلمشدر .
حضرت مریم علی العاده بر ذات الزوج اولسیدی بالطبع عائله سندن اوزاق و ییه جکدن
ایچه جکدن خالی بر محله قاجماز و بویله عائله دن یار و یقینندن جدا بر محله قابله سز اوله رده
وضع حمل ایتمز و بویله بر شکله چوجق طوغوردیعه زن و کدر ایتمز و بوضورتله چوجق
طوغوره جغه اولدن یا اولمش بولمسنی و یاخود اونوتولوب متروک قالمش بر شی اولسنی
تمنی ایلمز دی .

حزن و کدر باشقه الم و وجع بشقه در . وضع حمل ایدن بر قادین ، اوجاع وضع ایله
قیورانیکن مطلقاً محزون و مکدر اولمق لازمکمز ، هله طوغوردقن صکره تماماً مسرور اولورده
بناء علیه تسلیت اولتماز واکراماً آلتندن ایرمق آقیدلماز . وقتسز خرما میوه سیله دم
بسئلماز .

حضرت عیسی مریمی تسلیت ایدرکن (و بشردن کیمه تصادف ایدر ایسه ک اوکا بن
بوکون هیچ بر انسانه سوز سولیا مک صورتيله رحمانه اوروج نذر ایتدم) دیمسنی توصیه

ایتمشدر . بونک سبی نه اوله بیلور . عیسی والدہ سنی تسلیه ایدوب کدر ایتماسنی توصیه ایدرکن والدہ سنی خلق ایله قونوشمقدن ده منع ایدیور . نیچون : چونکه مریم ، عیسیه یلا زوج قدرت الهیه ایله حاصل اولمش ایشک حقیقته واقف اولمیانلر بوکا ایسانیه جقلر بو حالی وهله زانیه عطف ایده جکلر مریم بوکا قارشى قوه اقساعیه مالک دکل . خلقه ناسویلسه بهوده یورولمش اوزولمش اوله جق .

ایشته حضرت عیسانک والدہ سنه توصیه سکوتی آنجق بوکا مبنیدر . شو حاله کوره مریم یا (حاشا) زانیه درکه زناسندن اوتانمش ، قومندن اوزاغه قاجش تنها بر محله طوغورمش بوکا کدر ایتش ، اوتانجندن ، کدرندن ، یأسندن اولومنی تمنی ایتش ، بوبابده خلقی اقناع ایدمه جکندن سکوتی اختیار ایتشدر . یاخود مریم قدرت الهیه ایله بلالزوج طوغورمش فقط بونی خلقه آکلامقده کی مشکلاتدن طولای حالات مذکوریه معروض اولمشدر .

مسئله یی بوایکی احتمالا خارچنده تصویره امکان یوقدر . بناء علیه مادام که مریم زانیه لکنی قبول ایتورز . وقی الحقیقه مریم زانیه دکلدر . او حالده ایکنجی صورتی قبول ایتک ضروری اولور وایشته شو حقیقت حضرت مریم احوال مذکوریه سیله حضرت عیسانک وصایای آیات مبحوئه نك اقوال مفسرینه مراجعت ایتمکسزین ساده لفظاً دلالت ایتدیکی برمعاندن عبارتدر .

آیتده حضرت مریم چوجغیله قومنک زردینه کلد کدکه قومی آکا دیدیلرکه یا مریم سن غریب برایش یاپدک ، ای هرونک همشیره سی سنک باباک زنا کار آنالده فاحشه دکلدی بیورلشدر .

اگر مریم علی العاده بر ذات الزوج اولیدی بالطبع قومنک بویله آجی بر عتاب واتهامنه دوچار اولمز ایدی وبالذات اثبات عفتدن اظهار عجز ایله عیسایی کوستروب آنک خارق العاده اولان کلامنه مراجعت اولمسنی ایستمزایدی . حضرت مریمک بر زوجی وعیسانک بر پدری اولیدی حضرت عیسی جواباً والدہ سنک برائتی خارق العاده وناشنیده بر خبری سویلکله دکل طوغریدن طوغری به آنی بیان ایلکله اثبات ایدردی .

مادامکه بشیکده اولان عیسا خارق العاده تکلام ایدوب کنندیسنک عبدالله اولدیغنی ، ونجی اوله جغنی سویلرکن باباسنی سویلکده هیچ بر مانع یوق ایدی . وسویلیه بیلیردی . ومقام کلامه کوره لفظنده ایلک مطمح نظر اولان نقطه ، باباسی حقنده کی نه نه نکل حلقه هتدائر اوله جق ایدی . اویله ایکن عیسا بابام فلاندر دیمه دی .

ایشته عیسانک تمام ضره سنده وایلك نطقنده بابام فلاندر دیماسی و بابادن بحث ایتماسی کندیسنک باباسز اولدیغنه الك بیوك برهان قرآنیدر . چونكه والدهسی قومنك لوم واتهامنی دفع واسكات ایچون آنک نطقنی حکم کوستردی .

حضرت مریمک قومی آنک زوجی اولدیغنی یلیور ، بزوجق کتیردیکنی ده کوریور ، ونا ایتدیکنه قائل اولیور . مریمک اصل و عرقنه نظراً زانیه لکنی ده استبعاد ایدیور . بوایشک قارشوسنده حیرته قالیور ، مریمه یامریم سن (فری) یعنی غایت عجیب ، غریب برایش یاپدک دیور . ایشته بوده نص صریح قرآنیک عین منطوقیدر .

مریمک بزوجی و عیسانک بر باباسی اولیدی مریمک قومی مریمک بو ایشنی نیچون (فری) - یمنکه توصیف ایتسونلر و بوکا پک بیوك بر تعجب ابراز ایتسونلر . ایشته قوم مریمک وضع مریمه (فری) دیملری ده مریمک زوجسز و عیسانک باباسز اولدیغندن بشقه هیچ بر معنا افاده ایتمز .

مریمک قومی مریمک زوجی اولدیغنی بیلسامک قابل اوله ماز . آنلرک بو اتهاملری و عیسانک ولادته ماهیت غریبه عطف ایتملری مریمک قطعاً زوجی اولدیغنی بیلدکلرندن و بیناء علیه زانیه لکنه حکم ایلدکلرنددر .

قوجهلی اولوبده چوجق طوغوردمق بر امر عجیب دکل بر امر عاذیرکه اکا قارشو بیان استعراب ایدلار .

مریمک زوجی اولیدی قومی کیفیت حمل و ولادتق استعراب ایله اکا زنا کارلق اسناد ایتمزلردی . مریمک زوجی اولدیغنه دائر قرآندن غیر مأخوذ اولان ترهات تاریخیه نک نظر مزده اصلاً قیغنی یوقدر . نص بلکه معارضلرمن دخی قرآنک خارجنده اوله رق کلام معضرنی طایبق ایسته میورلر . قرآن خارجنده کنی طایمق حق آنلرده اولدیغنی کبی بزه دخی واردر . بیناء علیه بز منحصراً لفظ قرآندن استخراج حقیقت ایمنکه جهد ایلورز . مریم چوجغنی کتیرنجه قوم مریم (یا مریم) لقد جئت شیاً فریا یا اخت هرون ماکان ابوک امره سوء و ما کانت امک بغیا) خطابله مریمی آجی بر عتاب واتهام ایله قارشولامشلردی . مریمک بشردن زوجی اولسیدی بو فنا اتهام و آجی عتابک قارشوسنده سکوت و عیسایه اشارتله اکتفا ایتزدی . مریمک سکوت و اشارتی فی الحقیقه زوجی اولدیغنی اقرار و اثبات بر ایتندن محزری حسیده کیفیتی اوغانه حواله دیمکدر . معرض حاجنده سکوت بیانددر .

عیسا دخی نطقنده پدرینی سویلردی . عیسانک ایلك نطقنده باباسنی سویلامنی باباسز

اولديغىڭ اڭ بيوك برهانيدىر . خطاب وعتاب واقعت مقلم كلامىسى مطلقا اولمىدە عدم سكوت ايله بيانى واجب قيلان مواقع ضرورتىدىن . بو موقعلردە سكوت ايسە بياندرگە بوكا بيان ضرورت دىيولور . بناءً عليه مقام مذكوره عدم البيان ، بيان العدم در .

عيسانك نطقه كلى و بو نطقده نبوتىدىن واحوال سائر استقباليه سندن بحث ايتىمى بو كى احوال خارق العاده نك ابنائى زلادن صدورىڭ امتناعى دلالتيه شبهة زنانك دفعنه كفايت ايدىيوردى . مع هذا عيسانك ايلك نطقده بن عبد الله بن عبد الله ديمى كندىسنىڭ يدرسز اولديغى حقهده بر دليل قرآنىدر . بن عبد الله ديمك بن ابوت ، نبوت صورتلرىدىن بريسيله هيچ بر فرد بشرى يە منسوب ومضاف دكلم و كيمسەدن نسيم يوقدر . بن آنجق الله منسوب ومضافم فقط بو نسبت و اضافم نسبت نبوت دكلر آنجق نسبت عبوديتدر . ديمكدر . (عبد الله) جوابى عيسانك كرك ولد بشر كرك ابن الله اولديغنه دائر اولان افترا و اتهاملرك ايكىسى بردن دافعدر .

ايشته بتون شو بيانان سورە مريمە حضرت مريمك ولادى حقهده كى آيات كريمە نك تمامنى على الترتيب مطالعه ايلە نك محصوليدر . آيات كريمە نى هر كيم بوشكلده مطالعه ايدرسە بو حقيقتلره واقف اولور . بو حقيقتلر اصلاً هيچ بر تفسيردن منقول دكلدر . معارضلر منرك شرطى وجهله آنجق منطوق آياتك لسان وقواعد لسانيه نقطه سندن ويرمش اولديغى معنلردر : آيات كريمە دن هر هانكى بريسنى على الانفراد مطالعه ايدن بركيمسە آتى معنای ظاهرندن آخر بر معنای صرف ايدە يولور . فقط آياتك جمله نى كه ضرورىدر . بردن او قور و تدقيق ايدر ايسە هيچ بر تفسيره مراجعت ايتكسزىن عمومك معنای ظاهرده متحد و اورايە متوارد اولديغە قطعياً حكم ايدن . خصوصيله كرك سورە مريمە كرك سورسائرده حضرت مريم و يا عيسايە دائر اولان بالعموم آيات كريمە ده عمومك متشارك اولديغى معنای ظاهره منافی اوله جق هيچ بر آيتە مصادف اولماز . بالعكس بتون سورە لرده كى آياتك هپ بر معنایە دلالت و تأكيد و تأييدهده متحد ، متشارك ، متشابه اولدقلىنه شاهد اولور .

حضرت عيسايە تعلق ايدن مسائل ايچون ارباب تدقيق ابن حزم الظاهري نك كتاب الفصلك جزء ثابسه مراجعت ايتلیدر . بو اثر مسائل عيسويه نى تماميله استيفاء ايتش اولديغىدن حضرت عيسا حقهده اعتقادات عموميه خلافده . اجتہاد تشبث ايدنلرك اثر مذكوره جواب حاضر لاملى اقتضا ايدر .

حضرت عيسائيك باباسز طوغمش اولديني حقنده صراحت قرآني يوقدر . ديه رك
مشار اليك بابالي اولديني ادعاسيله برابر سورة مریمده كي آیات قرآنيه نك بو باده غير صريح
عد ايدلسي واديسنده كي نشریات حادته اثر مذكورك جزء نایسنده « ٥٧ » « ٥٨ » نجی
صحیفه لری خاطر لاتدی .

بناءً عليه بو صحیفه لری انظار قارئنه عرض ايدورز .

« قال ابو محمد » كيف يطلق لوقا وهو عندهم اجل من موسى عليه السلام ان يوسف
التجار والدالمسيح في غير ما موضع ويكرر ذلك كأن يحدث بحديث معهود ام كيف
تقول مریم لابنها طلبك ابوك تعني زوجها بزعمكم وكيف يكون اباه ولا اب له وانما
يطلق هذا الاطلاق في الريب فيمن يعرف ابوه فيقال له ابوك عن ربييه بمعنى كافله لانه
لاشكال فيه واما من لا اب له من نبي آدم فاطلاق الابوة على زوج امه فيه اشكال وتليس
وتطريق الى البلاء ام كيف تبقى مریم العذراء مع زوجها بزعمهم فض الله افواههم ازيد
من ثلاث عشرة سنة كما يبقى الرجل مع امرأته يغلقان عليهما بابا واحدا ام كيف يصح
مع هذا عند هؤلاء انه مولود من غير ذكر اين هذا الزور المفترى من النور المقتنى قول الله
حقا في وحيه الناطق الى رسوله الصادق الذي لا يأتيه الباطل من بين يديه ولا من خلفه حيث
قال (فارسلنا اليها روحنا فتمثل لها بشرًا سويًا) الخ ...

« قال ابو محمد » هذا هو الحق الواضح الذي يصدق بعضه بعضا لا الكذب المتناقض
وهذا الذي لا يمكن سواه لانه لو كان لها زوج لم ينكر احد ولادتها ولولم يقم برهان بكلامه
في المهد لما جاز عندنا ولا عند احد من الناس انها حملت به من غير ذلك ولكن ذلك دعوى
كاذبة لا يجوز ان يصدقها احد لاسيما مع زعمهم انها سكنت مع زوجها ازيد من ثلاثة عشر
عاما في بيت واحد يهيدان عند ولادته ما يهدى الابوان من اليهود بحكم التوراة عن ابنيهما
وتقول له امه هذا ابوك وفعل ابوك ثم اطم من هذا اقرارهم بان له اربعة اخوة ذكور
شمعون ويهوذا ويعقوب ويوسف واخوات ثم لا يذكرون للنجار امرأة غير مریم تكون
هؤلاء الاولاد للنجار من تلك المرأة وهذه فضيحة الدهر وقاصمة الظهر ومطلق السنة القائلين
انها اتت به من زوج او من عهر وحاشا الله من ذلك تصحح من هذا كله انهم مدسوسون
من عند اليهود لافساد مذاهبهم ونعوذ بالله من الخذلان .

بوندن صكره دلائل لری تدقيق ايدم جكرز فقط بود لائلر دخي صراحت قوتنده در .

— ۲ —

سوره انبیاده واقع (والقی احصنت فرجها ففخنا فیها من روحنا وجعلناها وابنها آیه للعالمین » کذا سوره تحریمده « و مریم ابنت عمران القی احصنت فرجها ففخنا فیها من روحنا » بونلردن برنجی آیت کریمه نك معناسی « فرجی علی الاطلاق ارککدن محافظه ایدوب بزمده کندیسنه روحزدن نفخ ایدرك آنی و اوغلی عالمله آیت قیلمش اولدیغمز خاتونی ده یاد ایت « ایکنجی آیت کریمه نك معناسی ده « الله تعالی عمرانك قیزی مریمی دخی مؤمنله مثال کوسترمشدرکه مریم فرجی علی الاطلاق ارککدن محافظه ایتدی بزمده او فرجه روحزدن نفخ ایتدك و مریم ربنك کله لیلیه کتابلرینه اینسانی و عبادته مواظبت ایدنلردن اولدی . »

ایشته بو آیت کریمه لر کرک حلال و کرک حرام هر هانکی بر صورتله حضرت مریمه ارکک تماس ایتدیکنی و جناب حق دخی آکا روح نفخ ایلدیکنی و برنجیسی حق تعالی مریمه اوغلی عالمله آیت ، برهان قیلدیغنی ایکنجیسی ده حق تعالی مریمی بو حال و شانیه مؤمنله مثال قدرت اوله رق ارئه بیوردیغنی ناطقدر . و ایکیسی ده بر مآلده در . بناء علیه حضرت مریم حلال و حرام صورتلرینك هر ایکیسیله فرجی ارککدن محافظه ایلدیکی حالده برولد طوغرمش اولدیغدن بوولد بالضروره باباسزدر . بو صورتله آیت کریمه نك مآله کوره فرجی ارککدن صاقینان ، دیشینك عادة چوجنی اولمز بویله ایکن مریمك چوجنی اولمشدر . فقط ینه کندیلسکندن دکل نفخ جبریل ایله اولمشدر . بناء علیه آیت کریمه حضرت مریمك حضرت عیسانی پدرسز و مجرد نفخ جبریل ایله طوغورمش اولدیغی حقنده بشقه معنایه حمل و تأویله احتمالی اولیه جق درجده دلیل قطعیدر . چونکه حضرت مریم فرجی ارککدن صیانت ایتدی . بیورلمشدر . بویله اولان بر دیشینك عادة چوجنی اولماز . بوکا رغماً مریم ولد طوغورمشدر . چونکه حق تعالی آکا روح نفخ ایتدی و بو نفخ ایله حاصل اولان اوغلی ایله برابر کندیسی طرف الهیدن عالمیه آیت واحده اولدی .

حضرت مریم فرجی ارککدن صیانت ایتماش یعنی حلال ایله اولسون کندیسنه ارکک تماس ایتش اولیدی آکا روح الهی نفخ اولماز و نفخه حاجت اولمازدی . چونکه مریم محل نفخ اوله مازدی نفخ الهی ایله برتأثیر خارق العاده نك حاصل اولسی مطلوبدر . بویله برتأثیرك محلی مطلقاً بشرک تماسندن خالی اولان بر محل اولمق لابددر . تماس بشره

او غرامش اولان بر محل اوزرنده کی نفخ ايله تأثير خارق العاده حاصل اولماز و تأثيرك نفخه عطفه ده سبب قالماز .

بالعكس تأثير واقع طوغريدن طوغری به موجود و محقق اولان سبب ظاهری به یعنی تماس بشری به عطف اولنور بناءً عليه حصول ولده (وجعلناها وابنها آية للعالمين) ديهرك موجب امتنان و باعث تشهير و اعلان اوله حق برفوق العاده لك قالماز . خصوصيله حق تعالى عيساك مريمدن تولد ايتمش اولمسی كيفيتی قرآن عظيم الشانك متعدد محلده آيت الهیه اولق اوزره ذكر و تكرار نسه كيم امراء ابراهيمدن اسحق ايله يعقوبك ولادتلرين ده اوصورتله ايراد بيور مشدر .

خلاصه آيتده درت شی واردركه مريمك احصائي ، نفخ روح ، كنديسيله اوغلك آيت الهیه اولمسی ، بوميانده عيسى دينلمبوب مريمه اضافت و اسناد ايله اوغلي دينلمسی در . بونلك آيتده اولديني وجهله مرتباً ذكر اولمش اولمسی آيت كريمه نك حضرت مريمك يلازوم و محرد نفخ جبريل ايله حامل و عيسى نك دخي بو نفخك اثر مخصوصی اوله رق يلاب ولد مريم اولديني حقنده نص قطعی اولديني افهامه كافيدر .

سورة مريمده کی (ففخنا) ده ففخنا محذوف اولديني کي بو آيتده دخي لازم متأخر اوله رق (ففخنا فحملت) ديه حذف واردر . بناءً عليه (والقي احصنت فرجها ففخنا الخ آيت كريمه لری سورة مريمده کی (قالت انی يكون لی ولد ولم یمسسني بشر ولم اك بغيا قال كذلك قال ربك هو علی هين الی فحملته) نك تفسیری و سورة مريمده کی آيت مذکور دخي سورة انبيا ايله تحريمده کی آيتلك تفسيريدر .

قرآن كريمده حضرت عيسى انبياء سائر ايله برابر اولمیه رق يالكز و ياخود والده سيله برابر ذكر اولندقجه مطلقاً ابن مريم ديهرك كثرله ياد اولمش و يالكز عيسى و ياخود عيسى بن فلان ديهرك اصلاً ياد اولنما مشدر .

سید نسیب

